



至元 嘉禾志

[元]單慶修 徐碩纂
嘉興市地方志辦公室 編校



上海古籍出版社

圖書在版編目(CIP)數據

至元嘉禾志 / (元)單慶修; (元)徐碩纂; 嘉興市地方志
辦公室編校. —上海: 上海古籍出版社, 2010.12
ISBN 978-7-5325-5782-0

I. ①至... II. ①單…②徐…③嘉 III. ①嘉興市—地方志 IV. ①
K295.53

中國版本圖書館CIP數據核字(2010)第244700號

責任編輯 熊揚志 何許英
裝幀設計 田松青
技術編輯 王建中



至元嘉禾志

[元]單慶修 徐碩纂
嘉興市地方志辦公室 編校

上海世紀出版股份有限公司 出版發行
上海古籍出版社
(上海瑞金二路272號 郵政編碼200020)
(1) 網址: www.guji.com.cn
(2) E-mail: guji@guji.com.cn
(3) 易文網網址: www.ewen.cc

印刷 上海書刊印刷有限公司
開本 787×1092 1/16
印張 25 6/16
字數 510,000
印數 1-2,300
版次 2010年12月第1版
2010年12月第1次印刷
ISBN 978-7-5325-5782-0/K·1351
定價 98.00元

《至元嘉禾志》
整理出版委員會

主 任 蔣唯民
副主任 柴永強
成 員 周 軍 曾 燕

主 編 曾 燕
副主編 邱 陽
點校者 尤裕森
編 務 張仙忠 吳勤勤

點校說明

《至元嘉禾志》是記敘嘉興的現存最古老的一部志書，由元代單慶修，徐碩纂。

單慶，號克齋。里貫未詳。時任嘉興路經歷司經歷。徐碩，嘉興人。南宋咸淳四年陳文龍榜進士。據本志卷七《學校》，徐碩時任郡博士，助修嘉興路路學及宣公書院。

然嘉禾修志尚早於此。郭晦《嘉禾志序》云：“淳熙甲午，郡守張元成始延聞人伯紀為郡志……後乎伯紀，郡守岳珂嘗命鄉先輩關表卿重修，且徧檄諸邑，搜訪古跡，可謂勞於用力。書未成，而倦翁改調。”張元成延聞人伯紀修淳熙《嘉禾志》五卷，《宋史》著錄為四卷，清《結一廬書目》云有鈔本，今不見傳本。南宋嘉定七年，郡守岳珂復延鄉先輩關表卿續修《嘉禾志》，因岳珂改調中輟，僅存五卷，全書未成。今已佚。

單慶修、徐碩纂《嘉禾志》，踵關表舊本而廣為增益，凡三十二卷，元至元二十五年刊。此書元刊本已不可見，但有《四庫全書》本及舊鈔本、重刻本流傳。嘉興圖書館藏有精鈔本，係倪禹功影鈔金兆蕃所鈔馮孟亭校鈔本。上世紀末，有《宋元地方志叢刊》本問世，其中有至元《嘉禾志》。從志中“寧”均作“寧”或作“甯”分析，似是避道光帝旻寧諱，且志末有道光己亥管庭芬跋，大體可知《宋元地方志叢刊》本採用的是據道光本刊印的本子。

此次點校，以《宋元地方志叢刊》本為底本，嘉興圖書館館藏精鈔本為校本，輔以影印文淵閣《四庫全書》本（原採自兩淮馬裕家藏本）。嘉興圖書館館藏精鈔本，其祖本，據倪禹功鈔後記，“金本原為秀水楊建氏收藏。建字立三，號竹坡。由禾遷居秀水聞川，故作秀水人”。錢大昕《皇清誥封奉直大夫竹坡楊君墓志銘》：“好法書名畫，鑒別精審而不輕用私印。每得異書，晨夕校勘，喜不能寐。西吳販書船泊其戶外常滿。又於宅旁拓數弓地築堂，顏曰‘梅竹雙清館’。引泉疊石，為避暑之所。客至則相與評詩讀畫，觴詠其間。有倪雲林、顧玉山之遺風焉。”（碑藏嘉興博物館）乾隆五十二年丁未季秋，與楊“君素相善，申以婚姻”的馮浩假得此本，與家藏京鈔本互校。故鈔本地底有京本內容。馮浩字養吾，號孟亭。乾隆十三年進士，授編修。官至山東道御史。金兆蕃依馮本鈔錄，珍藏於家。金兆蕃原名義襄，字簾孫。籍隸秀水，徙居平湖。民國年間任清史館總纂。一九五二年，在嘉興圖書館整理館藏的董巽觀約請寓滬秀水籍倪禹功借金兆蕃鈔本精鈔而成，六冊。至一九六二年，董巽觀見嘉興沈曾植《至元嘉禾志》刻本，又將鈔本與沈本校勘一過，校記書於鈔本天頭。

點校過程中，我們將文淵閣《四庫全書》本簡稱“庫本”，嘉興圖書館館藏精鈔本，簡稱“鈔本”，書於鈔本天頭、地底的內容分別簡稱“沈本”、“京本”。另有馮浩、金兆蕃、繆荃孫、董巽觀、倪禹功等人的零星批註，收錄時分別予以標明。底本中的異體字，凡出現頻率較高，且鈔本、庫本已採用正體的，直接改為正體，不再出校。但鈔本、庫本亦未採用正體的，一仍其就，不予改動。底本原無標點，點校中加了新式標點。底本中的引文，經查找有關書籍，凡與原文不盡相同的，均不加引號，僅對引用原文的加了引號。

底本與鈔本、四庫本校勘後，凡有不同之處者，以【校勘記】的欄目分條列於段落後。對文

本中少量校勘不出，但整理者以為經校勘後仍有異疑的地方，以【存疑】的方式分別列出。《至元嘉禾志》收錄碑文、詩詞，述及作者二百二十餘人，用【作者簡介】的形式對作者略作介紹，凡可引用書籍的，一般引用書籍（有刪節，為便於閱讀，對引文加了引號，讀者如需引用，請查原文）；資料比較分散的，將資料匯總後介紹，並盡可能列出資料來源。

書末，附《宋元地方志叢刊》本《至元嘉禾志》原有管庭芬、李文杏跋各一件；嘉興圖書館藏《至元嘉禾志》精鈔本卷首原有董巽觀題識、余霖校勘記各一件；另收錄朱彝尊、錢大昕、繆荃孫跋各一件；《四庫全書總目·至元嘉禾志》一件，可供參閱。

在點校過程中，我們參考了《宋元地方志叢刊（乙編）·雲間志》（2009年5月四川大學出版社點校本）、《宋元浙江方志集成·至元〈嘉禾志〉》（杭州出版社標點本）、《元和郡縣圖志》（1983年6月中華書局點校本）、《太平寰宇記》（2007年11月中華書局點校本）、《元豐九域志》（1984年中華書局點校本）、《輿地紀勝》（1992年10月中華書局影印本）、《輿地廣紀》（2003年8月四川大學出版社點校本）等古代方志和地理書籍，參考了《史記》、《漢書》、《後漢書》、《三國志》、《晉書》、《新唐書》、《宋史》等（均為中華書局點校本）史書，參考了《全宋文》（2006年8月上海辭書出版社點校本）以及不少詩文總集、別集。由於此次點校係首次嘗試，經驗不足，差錯難免，敬請行家不吝賜教。

二〇一〇年十月

序^[1]

圖志之書，古史筆也。成周職方掌天下之圖，外史掌四方之志，事亦重矣。嘉禾為志，何昉乎？猶記袁似道^[2]為郡治中，其家富有古書，江浙圖史無不備，獨禾興闕。然非闕也，禾興經邑為州才三百載，五代至宋初，皆倥傯不暇。真宗景德四年，嘗詔諸道修圖經，僅得海鹽一志而已。淳熙甲午，郡守張元成始延聞人伯紀為郡志，此作古也。前乎伯紀，所謂舊經，雖博覽之士無所見，其簡略可知。後乎伯紀，郡守岳珂嘗命鄉先輩關表卿重修，且徧檄諸邑搜訪古跡，可謂勞於用力。書未成，而倦翁改調。上而無紀錄之冊可參，次而無老成之士可質，又次而無賢子弟可詢其家世，其欲正訛補闕，豈不難哉！仰惟皇帝考圖數貢自北而南，此不容於浸廢往者。郡經歷單君慶因請重修，郡博士徐君碩承命屬筆。蒐獵^[3]散亡，其綱正，其篇目加多。既完矣，而冊丘之板則未也。萊山劉公傑來殿是邦，路推翟公汝弼啟其議，諸路官又相其成，可謂是書之幸。夫圖志重事也，其存亡夫豈偶然？雷次宗非無《豫章紀》，洪駒父求之不得見；范石湖非不藁《吳郡志》，以妄議而不得刊。今《嘉禾志》闕而全，絕而續，郡侯其有功矣哉！昔竇德玄不能對帝丘之問，人到於今陋之。今郡人得是書，可以不為德玄矣。余故喜為之辭。至元戊子孟夏，里人郭晦序。

【校勘記】

[1] 標題為編者所加。

[2] 道：原作“衢”。鈔本天頭“沈本作‘道’”。據沈本改。光緒《嘉興府志》卷八八作“道”。袁似道（1191-1257），袁桷《西山阡表》：“我大父嚴州，宋寶祐五年丁巳六月七日庚寅即世，年六十有七。初補承務郎，監無為縣襄安鎮。紹定四年，授江南東路安撫司幹辦公事。端平二年，充沿海制置司機宜文字。淳祐七年，通判嘉興。十一年知嚴州。積官至中散大夫、鄞縣開國子。聚書至數萬卷，圖書鼎彝，鑒裁得源委。大父諱似道，字子淵。”（見《清容居士集》卷三三）

[3] 獵：原作“羅”。據鈔本改。光緒《嘉興府志》卷八八作“獵”。

序

郡有志，倣九丘遺意也。書以志名，凡一郡之事，皆在所當錄，豈特土地所生、風氣所宜而已哉！嘉禾在春秋為槁李，至吳黃龍三禩，以禾生由拳野，故名。自春秋距今千七百餘年，其間有沿有革，有廢有置，世道污隆之故，人物盛衰之由，與夫山川風景之所以殊，郡邑事蹟之所以異，其可紀者何可勝數，而舊志多簡略弗載。宋嘉定甲戌，郡守岳侯珂悼前聞之遺闕，嘗命鄉先輩關表卿^賦任行人子羽之事。編藁將上，而岳侯去，鄉論惜之。越六十三載，皇帝撫有江南，寸天尺地，無一不入版^[1]圖內。迺至元甲申，克齋單公慶來佐郡幕。公餘過從，輒清談竟日，每喟然歎曰：“圖志三歲一上，法也。此邦自總府開藩亦既數年，而郡志未備，非闕典歟^[2]？”遂創議檄委郡博士徐君碩重加修纂。君承命惟謹，網羅散失，抉^[3]剔幽眇，考古訂今，哀集會粹，曩之為卷者五，今之為卷者三十有二。曩之為門者二十有五，今之為門者四十有三。鑿分臚列^[4]，此志得為全書，徐君之用功亦勞矣。編成而萊山劉侯傑實來。一日，噦鸞戾泮，路推良佐翟公汝弼以是白侯。侯喜，退而諗於同列，同列亦喜，亟命工刻諸梓。時與人會，事與機投，莫不慶是書之遭。昔張茂先志博物，士歆其才；蕭相國收圖籍，史韙其識。向非侯有相國之識，思以具知戶口為急務，則此志編而不刊，與不編等。徐君雖有茂先之才，其何以自見？是舉也，侯既能俾創議者不至為岳之中沮，又能俾修纂者不至為關之徒勞，侯亦賢矣哉！侯不鄙屬余序，奚敢以老鈍辭！雖然，此一郡事也。侯賦政於外，屢殿名邦，入坐廟堂，將以均四海為己任，他日志輿地，志九域，必有能紀侯之勲業者，侯其勉之！至元著雍困敦孟夏朔日，里人、前進士納軒叟唐天麟書。

【校勘記】

[1] 版：原作“板”，據鈔本改。光緒《嘉興府志》卷八八作“版”。

[2] 歟：鈔本作“也”。

[3] 抉：原作“扶”，據鈔本改。光緒《嘉興府志》卷八八作“抉”。

[4] 臚列：鈔本作“呖列”。

目 錄

點校說明 / 1

序(郭晦) / 3

序(唐天麟) / 4

卷之一

沿革 / 1 星野 / 5 道里 / 5 風俗 / 9

卷之二

城社 / 10 坊巷 / 12

卷之三

鄉里 / 20 鎮市 / 24

卷之四

山阜 / 27 江海 / 31 湖泖水附 / 32

卷之五

浦澱 / 35 溪潭澱附 / 37 陂塘 / 39 河港浜灣附 / 41 涇溝 / 42 堰閘 / 43

卷之六

戶口 / 47 物產 / 49 賦稅 / 50 征權 / 52

卷之七

學校 / 57 科舉 / 60 廨舍 / 61 院務 / 62 倉庫 / 63 徼巡 / 63 官驛 / 64

卷之八

郵置 / 65 橋梁 / 67

卷之九

樓閣 / 74 堂館 / 75 亭宇齋屋附 / 78

卷之十

寺院上 / 80

卷之十一

寺院下 / 90

卷之十二

宮觀道院 道觀附 / 100 祠廟 / 102

卷之十三

冢墓 / 112 人物 / 115

卷之十四

仙梵 / 128 古蹟 / 131

卷之十五

宋登科題名 / 139

卷之十六

碑碣一 / 148

卷之十七

碑碣二 / 163

卷之十八

碑碣三 / 175

卷之十九

碑碣四 / 186

卷之二十

碑碣五 / 199

卷之二十一

碑碣六 / 211

卷之二十二

碑碣七 / 221

卷之二十三

碑碣八 / 236

卷之二十四

碑碣九 / 246

卷之二十五

碑碣十 / 261

卷之二十六

碑碣十一 / 273

卷之二十七

題詠一 / 283

卷之二十八

題詠二 / 301

卷之二十九

題詠三 / 317

卷之三十

題詠四 / 333

卷之三十一

題詠五 / 348

卷之三十二

題詠六 / 370

跋(管庭芬) / 389

跋(李文杏) / 390

序跋題記(董巽觀) / 391

至元《嘉禾志》校勘記(余 霖) / 391

至元《嘉禾志》跋(朱彝尊) / 391

跋至元《嘉禾志》(錢大昕) / 3

至元《嘉禾志》跋(繆荃孫) / 392

四庫全書總目提要(紀昀等) / 392

後 記 / 394

嘉禾志卷第一

沿革

嘉興路

《九域志》曰：“上，秀州。”古揚州之境也，周時為吳國。《釋名》曰：“吳，虞也。”即太伯避季歷之地。吳伐越，越子禦之槁李。槁李，即今嘉興也，舊有槁李城。魯定公十四年，《春秋》書“越敗吳於槁李。”至哀公元年，“吳王夫差敗越於夫椒，報槁李也。”按此則知，槁李者吳越之戰地也。周顯王四十六年，楚威王伐越，破之，盡取其地，至於浙江之北，故此地亦名曰楚。杜佑《通典》云：吳滅屬越，越滅屬楚。是也。又，《吳錄·地理》^[1]曰：吳王時，此地本名長水，故嘉興亦曰^[2]長水。秦始皇東巡，望氣者云：五百年後，江東有天子氣。始皇至，令囚徒十萬人掘汙其地，表以惡名，改之曰由拳。又按《寰宇記》云：始皇東遊至長水，聞土人謠曰：水市出天子。從此過，見^[3]人乘舟交易，應其謠，遂改由拳縣。又曰：故由拳縣在今縣南五里^[4]，始皇見其山上出^[5]王氣，使諸囚鑿此山。囚倦並走，因號為囚倦山，置囚倦縣，後人訛為由拳。《水經》云：秦始皇改為囚卷，亦曰由卷。西漢屬會稽，東漢屬吳郡。吳黃龍三年，由拳野稻自生，改為禾興，志瑞也。赤烏五年，因立太子和，改為嘉興。晉、宋、齊、梁因之。隋平陳，置蘇州。廢嘉興入杭州^[6]。唐武德七年，復置，屬蘇州。八年，廢入吳。貞觀八年，復置，屬蘇州。晉天福四年，錢元瓘病支郡多闕而右藩疆大，始經^[7]邑為州，遂奏以嘉興為秀州，絕其華亭、海鹽二地同附於州，乃以境西義和聚為崇德。宋政和七年八月二十二日，改秀州為嘉禾郡。寧宗慶元元年，以是郡為孝宗毓聖之地，陞嘉興府。嘉定元年十一月，因守臣趙希道奏請，賜嘉興軍額。聖朝至元十三年正月，改為嘉興府安撫司。至元十四年三月，改為嘉興路總管府。領府一、縣三、司一，錄事司，城以內隸焉。宋置南、北、西三廂。聖朝至元十三年廢，遂置兵馬司。至元十四年，改為錄事司。

【校勘記】

[1] 理：原作“里”，據鈔本改。

[2] 曰：原作“名”，據鈔本改。

[3] 見：原作“則”，據鈔本改。

[4] 故由拳縣在今縣南五里：鈔本、庫本作“故由拳山在縣”。《太平寰宇記》卷九五《江南東道·秀州》：“故由拳縣在今縣南五里。”

[5] 出：原作“有”，據鈔本改。《太平寰宇記》卷九五《江南東道·秀州》：“秦始皇見其山上出王氣。”

[6] 隋平陳，置蘇州。廢嘉興入杭州：原作“隋平陳陳置蘇州廢嘉興入杭州”。據鈔本、庫本改。鈔本天頭“沈本作‘隋平陳陳置蘇州廢嘉興入杭州’”。

[7] 經：原作“更”，據鈔本、庫本改。《輿地紀勝》卷三《兩浙西路·嘉興府》：“始經邑為州。”

松江府

舊華亭縣也。唐天寶十年置華亭縣，屬蘇州治。按《新史》、《寰宇記》以為“本嘉興縣地”。《輿地廣志》以為“本崑山縣地”。《元和郡國圖志》云：吳郡太守趙居貞奏割崑山、嘉興、海鹽三縣為之。今四境與三縣接，《郡國圖志》為不誣矣。唐僖宗入蜀時，群盜^[1]盤結，王騰據華亭。其後吳越王錢鏐遣顧全武拔之，自此地入吳越。按《通鑑》：乾寧四年，錢鏐遣顧全武取蘇州。乙未，拔松江。戊戌，拔無錫。辛丑，拔常熟、華亭。是也。晉天福五年，以嘉興縣為秀州，而割華亭隸焉。《通典》、《寰宇記》云：地有華亭谷，因以為名。《輿地志》云：吳大帝以漢建安中封陸遜為華亭侯，即以其所居為封。谷出佳魚、蓴菜，又多白鶴清唳，故陸機歎曰：千里蓴羹，未下鹽豉。及臨刑，歎曰：華亭鶴唳，不可復聞。又按《陸遜傳》云：遜初封華亭侯，進婁侯，次江陵侯^[2]。漢法，十里一亭，十亭一鄉，萬戶以上或不滿萬戶為縣。凡封侯，視功大小，初亭侯，次鄉、縣、郡侯。以遜所封次第考之，則華亭漢故亭，留宿會之所也。昔縣有華亭鎮印，或者遂謂自鎮為縣，不知所謂鎮者，唐因隋制，置鎮將副以掌捍防守禦之事，縣之冗職耳。《祥符圖經》載，鎮在西南二百步，而《元豐九域志》則廢矣。如自鎮而為縣，則《新史》、《輿地志》諸書不應略而不言也。若夫雲間之名，則自陸士龍對張茂先所謂“雲間陸士龍”一語得之也。華亭民物稍蕃庶，聖朝至元十四年陞為華亭府，至元十五年改為松江府，領縣一。華亭

【校勘記】

[1] 群盜：庫本作“郡盜”。《紹熙雲間志》卷上作“群盜”。

[2] 江陵侯：原作“江陸侯”，據庫本改。《紹熙雲間志》卷上作“江陵侯”。《三國志·吳書·陸遜傳》：“改封江陵侯。”（按：《中國歷史地名大辭典》無“江陸”一地。）

【存疑】

輿地廣志：所述內容實出《輿地廣記》，故疑“志”是“記”之誤。

“乾寧四年，錢鏐遣顧全武取蘇州。乙未，拔松江。戊戌，拔無錫。辛丑，拔常熟、華亭。是也”：此段文字，“乙未”、“戊戌”、“辛丑”，均指日期，但“取蘇州”不言月日，其後“乙未”、“戊戌”、“辛丑”三個日子就無從着落了。查《資治通鑑》卷二六一《唐紀》七七：“乾寧四年七月庚戌，錢鏐還杭州，遣顧全武取蘇州。乙未，拔松江。戊戌，拔無錫。辛丑，拔常熟、華亭。”又查《二千五百年日曆天象》，乾寧四年七月，“乙未”、“戊戌”、“辛丑”分別是二十二日、二十五日、二十八日，而無“庚戌”日。“乙未”前五日“十七日”是“庚寅”日，可能是這一天。但無論如何，“七月”是明確的。故疑“乾寧四年”後脫“七月（庚寅）”。

嘉興縣

《唐史》、《九域志》云：“望，嘉興縣。”《輿地廣記》敘秀州以為“春秋時吳、越分境於此。”杜預曰：“嘉興縣南有槁李城。”今之嘉興縣境，吳之南境也，秦為由拳縣。《西漢·地理志》注云柴辟，又云就李，《水經》云辟塞，皆舊名也。漢以後，中間沿革詳見本路所載矣。晉天福五年，陞嘉興為秀州。《寰宇記》云：嘉興監者，今秀州嘉興縣煎鹽之所，宋陞為監。後併為縣，而隸秀州焉。其先三十二鄉。熙寧中，析五鄉隸崇德，止二十七鄉，今仍舊。

【存疑】

“嘉興監者，今秀州嘉興縣煎鹽之所，宋陞為監”：《太平寰宇記》卷九十五《江南東道·秀州》：“嘉興監，本秀州嘉興縣煎鹽之所，至今宋升為監。”故疑“今”是“本”之誤。

海鹽縣

《輿地志》云：“上，海鹽縣。”《唐·地理志》曰：蘇州海鹽，緊^[1]。《九域志》曰：望，海鹽。秦郡縣天下，粵二十年甲戌置縣，屬會稽郡，漢因之。《地理志》云：武原有鹽官。《寰宇記》云：廣斥鹽田相望，即海鹽、鹽官之地。吳王濞置司鹽校尉，居馬嘯城。故《水經》云：吳王煮海為鹽於此縣也。王莽時改為展武，後陷為湖，是為柘湖。湖中有山，生柘樹，因名焉。今在松江府南七十里金山北，移治武原鄉，為武原縣^[2]。後漢復為海鹽，順帝時又陷為湖，是為當湖，遂移治故邑山，為故邑縣。晉成帝咸康七年^[3]，復為海鹽縣，又移處故馬嘯城。至陳武帝，割屬鹽官。唐高祖武德七年，復屬蘇州。太宗貞觀元年，省入嘉興。睿宗景雲二年，復置。先天元年，廢；二年，百姓以應奉塗遠，艱於往來，又請置。明皇開元五年，蘇州刺史、前黃門侍郎張廷珪奏，是年五月敕置。即^[4]於舊海鹽縣吳禦越城西北立定準^[5]而置縣，今縣治也。昭宗大順中，割歸杭州。晉天福五年，置秀州，縣隸焉。宋因之，今仍舊。

【校勘記】

[1] 緊：庫本無此字。（按：緊，係唐代州、縣按戶口多少劃分的等級之一。清王鳴盛《十七史商榷·新、舊〈唐書〉十一》：“唐制，縣有七等之差：赤畿、望、緊、上、中、下。”《輿地紀勝》卷三《兩浙西路·嘉興府》稱“海鹽縣，上。”）

[2] 縣：庫本無此字。

[3] 咸康七年：庫本作“元康七年”，非。（按：元康，係西晉惠帝年號。）

[4] 即：原作“郡”。據鈔本、庫本改。天啟《海鹽縣圖經》卷三《古跡》作“即”。

[5] 準：原作“集”，據鈔本、庫本改。天啟《海鹽縣圖經》卷三《古跡》作“準”。

【存疑】

“《九域志》曰：‘望，海鹽’”句：《元豐九域志》卷五《兩浙路》：“上，海鹽。”故疑“望”是“上”之誤。

“《寰宇記》云：‘廣斥鹽田相望，即海鹽、鹽官之地’”句：《太平寰宇記》卷九十五《江南東道·秀州》：“海鹽縣 按《吳郡記》云：‘海濱廣斥，鹽田相望，即海鹽、鹽官之地同也。’”故疑“廣斥”前脫“海濱”二字。

崇德縣

《九域志》云：崇德縣，古越地也。《輿地廣記》敘崇德云：有語兒水，亦曰禦兒，越之北境也。魯定公十四年，“吳伐越，越子句踐禦之，陳于檣李。”杜預曰：“吳郡嘉興縣南有檣李城。”今禦兒接界。《吳越春秋》云：句踐五年，入臣於吳。群臣祖道至淞江上。是淞江之西，皆入吳境。句踐七年，既釋囚反國，厚獻吳王夫差。夫差悅之，賜書增封，於是禦兒復為越之北境。《國語》曰：句踐之地，南^[1]至句無，北至禦兒。韋昭注：今嘉興禦兒鄉^[2]是也。句踐之報吳也，徙^[3]舍至於禦兒。大夫種曰：吾

用^[4]禦兒臨之。韋昭注：禦兒越北鄙。言吳邊兵若至，吾以禦兒之民臨敵。魏明帝時，王景淵諫營宮室，亦曰：“句踐欲廣其禦兒之疆，馘夫差於姑蘇。”釋之者謂“禦兒，吳界邊戍地名。”斯可驗矣。《太平寰宇記》敘杭州云：越國之西境，西北至禦兒，分界在吳郡嘉興縣南，乃指斯時也。句踐滅吳，傳六世，為楚威王所併，地屬楚。秦郡縣天下，總吳越舊地置會稽郡。禦兒為由拳縣之西鄙，介於錢唐、烏程之間。漢武帝時伐東粵，東粵使徇北將軍守武林，樓船軍卒錢唐轅^[5]終古斬之。元封元年閏四月，封語兒侯。孟康曰：“越中地也。今吳南亭是。”顏師古曰：語或作禦，其音同。考之唐乾符中所立崇福寺二石經幢，一云嘉興縣語兒鄉，一云語兒市。然則語兒^[6]在唐其名如故。黃巢之亂，豪傑起義兵保護鄉井，遂陞為義和鎮。餘杭吳公約^[7]隨董昌禦巢於西鄙，奏置都額於硤石，兼授義和鎮遏使。後其子重裕襲拜西佳鎮遏使，兼義和鎮事。見羅隱撰《吳公約^[8]碑》。吳越有國，廢鎮，止稱義和市。塘左則語兒市。《三朝國史》云：有語兒亭，故地名語兒。按《水經》載《萬^[9]善曆》曰：吳黃武六年正月，獲彭綺。是歲，由拳西鄉有產兒便能語，云：天方明，河欲清，鼎腳折，金乃生^[10]，因詔為語兒鄉。非也。又《嘉禾百詠》載，舊傳西施產兒於此，至能語方去，尤可笑也。蓋語兒當為禦兒。晉天福間，始析崇德七鄉置縣於義和市，因鄉以名縣。五年春三月，敕嘉興縣為秀州，以崇德縣隸焉。宋因之。熙寧十年，又割嘉興縣梧桐、永新、清風、保寧、千金五鄉以益之，總十二鄉，今仍舊。

【校勘記】

[1] 南：原作“西”。鈔本作“南”。鈔本天頭“沈本作‘西’”。庫本作“南”。據鈔本、庫本改。按：句無，春秋越地，在今浙江諸暨市南二十四里句乘山。《國語·越語》：“句踐之地，南至句無。”韋昭注：“今諸暨有句無亭是也。”

[2] 禦兒鄉：原作“語兒鄉”，據庫本改。《國語·越語上》：“北至於禦兒。”韋昭注：“今嘉興禦兒鄉是也。”

[3] 徙：原作“徒”，據鈔本、庫本改。

[4] 用：原作“以”，據鈔本、庫本改。《國語·吳語》：“真至者，亦將不能之會也。吾用禦兒臨之。”

[5] 轅：鈔本作“輦”。鈔本天頭“沈本作‘輦’”。（按：“輦終古”、“輦終古”，兩種說法均有。《通志·氏族略三》：“輦氏，陳輦濤塗之後。《漢書》有輦豐，後漢功臣禦兒侯輦終古。”《萬姓統譜·元韻》：“輦，漢輦溫舒、輦慶、輦終古。”）

[6] 語兒：原作“語”。鈔本天頭“沈本作‘語兒’”。據沈本改。

[7] [8] 約：鈔本作“納”。鈔本天頭“沈本作‘約’”。《全唐文》卷八九七收羅隱《吳公約神道碑》，作“約”。

[9] 萬：鈔本作“葛”。鈔本天頭“沈本作‘萬’”。

[10] 天方明，河欲清，鼎腳折，金乃生：鈔本作“天河欲清，腳折金乃生”。

【存疑】

“魏明帝時，王景淵諫營宮室，亦曰：‘句踐欲廣其禦兒之疆，馘夫差於姑蘇。’釋之者謂‘禦兒，吳界邊戍地名’”：《三國志·魏書》卷十三《王朗傳》：“王朗字景興。東海郡人也。（獻帝）以朗為會稽太守。太祖表徵之，拜諫議大夫。文帝即王位，遷御史大夫，封安陵亭侯。及文帝踐阼，改為司空，進封樂平鄉侯。明帝即位，進封蘭陵侯。是時方營修宮室，朗上疏曰：‘……句踐欲廣其禦兒之疆。禦兒，吳界邊戍之地名。馘夫差於姑蘇。故亦約其身以及家，儉其家以施國，用能囊括五湖，席捲三江，取威中國，定霸華夏。’”韓格平主編《魏晉全書·王朗》收《諫明帝營修宮室疏》，內容與《三國志·魏書·王朗傳》所收疏文相同。故疑“王景淵”是“王景興”之誤。

星 野

《周官·保章氏》：“以星土辨九州之地，所封封域皆有分星，以觀妖祥。”故志郡邑者必考焉。《西漢·地理志》曰：“吳地，斗分野也。”又曰：“粵^[1]地，牽牛、婺女之分野也。”《晉·天文志》曰：“自南斗十二度至須女七度為星紀，於辰為丑，吳越之分野，屬揚州。費直：起斗十度。蔡邕：起斗六度。”又列州郡躔次云：“丹陽^[2]入斗十六度，會稽入牛^[3]一度。”由此觀之，嘉興乃斗之分野，而崇德處吳、越之間，則獨在斗牛躔度之交。按《五代史》載，豫章人有善術者，望牛斗間有王氣，語錢唐分也。宋建炎初，國步艱虞。是秋，占者望斗牛間有紫氣，既而移蹕維揚，謂其已驗。暨冬十月戊寅，孝宗虹渚之祥實在嘉興，非明^[4]驗歟！故備載之，以俟知星者。

【校勘記】

[1] 粵：庫本作“越”。《爾雅》：“粵，於也，字亦作‘越’。”

[2] 陽：鈔本作“揚”。

[3] 牛：原作“斗”。據鈔本、庫本改。《輿地紀勝》卷十《兩浙西路·紹興府》：“《晉書·志》亦云：‘會稽入牛之一度。’”

[4] 明：鈔本作“其明”。

道 里

嘉興路

東西三百一十八里^[1]。

南北九十一里。

至上都

陸路四千三百八十四里。

水路四千一百里。自大都登陸路至上都四千九百里。

至大都

陸路三千五百八十四里。

水路四千一百里。

四至

東至大海二百一十里。舊經云：一百九十七里。

西至杭州路二百一十九里。

南至杭州路硤石鎮界六十里。

北至平江路吳江縣界三十里。

八到

東南到海九十二里。舊經云：東南到海鹽九十里。

西南到杭州路鹽官縣界一百里。

東北到平江路吳江縣界六十里。

西北到平江路吳江縣界四十二里。

陸路

東至松江府一百二十里。

西至崇德縣九十五里五十步。

東南至海鹽縣九十里。舊經云：八十里一百步。

西北至平江路吳江縣一百十二里^[2]一十步。

水路

東至青龍鎮一百九十五里。

西至湖州烏程縣界七十里。

南至海鹽縣九十里。舊經云：八十里一百步。

東北至平江路吳江縣一百一十二里^[3]一十步。

【校勘記】

[1] 三百一十八里：鈔本、庫本作“三百二十八里”。

[2] [3] 一百十二里：庫本作“一百十一里”。

松江府

東西一百六十里。

南北一百七十三里。

四至

東至海八十里。

西至平江路長洲縣八十里。

南至海九十里。

北至平江路崑山縣界八十里。

八到

東南到明州界九十里。在海中。

西南到海鹽縣界六十里。兩縣相去一百二十里。

東北到平江路崑山縣界一百二十里。兩縣相去一百三十二里^[1]。

西北到平江路崑山縣界一百五十里。兩縣相去二百里。

陸路

西南至嘉興縣界六十里^[2]。

東北至青龍鎮五十四里。

水路

東北至青龍鎮入吳江五十四里。

西南至嘉興縣界六十里。

西北至吳江六十里。

【校勘記】

[1] 一百三十二里：庫本作“一百二十里”。

[2] 六十里：鈔本作“七十里”。

嘉興縣

東西七十里。

南北八十里。

四至

東至松江府華亭縣風涇界六十里。

西至崇德縣官窑鋪五十里。

南至海鹽縣莫涇鋪四十五里。

北至平江路吳江縣界二十里^[1]。

八到

東南到海鹽縣界四十五里。

西南到崇德縣界官窑鋪五十里。

東北到平江路吳江縣界七十里。

西北到崇德縣烏青鎮五十四里。

陸路

東南至海鹽縣界莫涇鋪四十五里。

西南至崇德縣界官窑鋪四十五里。舊志云：至崇德縣九十里。

東北至松江府華亭縣界風涇鋪六十里。舊志云：至華亭縣一百二十里。

北至平江路吳江縣界遞鋪三十里。

水路

與陸路同。

【校勘記】

[1] 二十里：鈔本作“三十里”。

海鹽縣

東西一百五十九里。舊志云：一百九里。

南北一百三十三里。舊志云：一百三十二里。

四至

東至海五里。舊志云：三里。

西至杭州路鹽官縣六十三里。